



DITAME SOBRE O PROXECTO DE DECRETO POLO QUE SE CREA O CENTRO DE INNOVACIÓN EDUCATIVA E DIXITAL.

O pleno do Consello Escolar de Galicia, na súa reunión do día 21 de xuño de 2021, emite o seguinte ditame en relación co proxecto de decreto polo que se crea o Centro de Innovación Educativa e Dixital.

- No preámbulo, na páxina 1, liñas 7 e 9, propón a substitución do texto polo seguinte: "investigación e a innovación, co obxectivo de acadar unha educación que responda ás necesidades educativas, culturais e científicas, tanto da sociedade galega, como das persoas afectadas por procesos de formación, e faga posible tanto a mellor atención individualizada para o máximo desenvolvemento integral do alumnado, como a idónea funcionalidade social do noso sistema educativo".
- No preámbulo, na páxina 1, liña 10, propón a adición do seguinte texto: "A Comisión Europea recentemente marcou como obxectivo garantir que houbese un Centro de Innovación Dixital en cada rexión, e distintos proxectos como o denominado "Fábricas intelixentes nos novos Estados membros da UE" ou o programa "Horizonte 2020" foron impulsando a proliferación destes ecosistemas innovadores. No ámbito estatal, a través do Ministerio de Asuntos Económicos e Transformación Dixital, porá en marcha o Rexistro de Centros de Innovación Dixital que aspiran a formar parte da Rede Europea de Digital Innovation Hubs (DIH)".
- No preámbulo, na páxina 2, liña 22, propón a adición do seguinte texto: "A efectos do presente Decreto podemos entender as innovacións educativas como a presenza no sistema educativo de ideas, materiais e recursos e prácticas que son novadoras, que non están xeneralizadas, que contan con algúns núcleos de docentes que as promoven, que se refiren a aspectos concretos e delimitables da educación institucional (nos planos curricular, organizativo e didáctico) e que convén someter a avaliación para detectar e confirmar o seu interese e bondade educativa; tamén as podemos entender como procesos de deseño, planificación e xestión obxectivada de cambios específicos relativos a ideas, proxectos, materiais e recursos ou prácticas, nalgúnha dimensión ou compoñente do sistema educativo, ata a súa consolidación e oportuna xeneralización, caso de ser positivamente avaliadas, con vistas ao crecemento persoal e institucional, polo que unha innovación educativa dada conclúe e deixa de ser tal cando se consolida un cambio pretendido na educación, pasando a formar parte dunha conduta ordinaria dentro do sistema educativo".
- No preámbulo, páxina 2, liñas 36 e 37, propón a supresión do seguinte texto: "pola que se modifica a Lei Orgánica 2/2006, do 3 de maio, de Educación".
- No preámbulo, páxina 2, liñas 27 e 30, propón a supresión do seguinte texto: "Esta investigación, de carácter marcadamente internacionalizado e interdisciplinar, deberá propiciar o afondamento nos cambios metodolóxicos necesarios para motivar o alumnado, mellorar a súa preparación, estimular a súa capacidade de inserción laboral e desenvolver estratexias cooperativas".
- No preámbulo, na páxina 2, liña 31, propón a substitución do texto polo seguinte: "En definitiva, a innovación educativa debe servir para promover modificacións significativas no...".

- Para o artigo 1.1 propón a substitución do texto polo seguinte: "O centro de Innovación Educativa e Dixital (CIEDIX) é o órgano encargado de identificar, diagnosticar e obter conclusións sobre ideas, proxectos, materiais e recursos e prácticas de educación de carácter curricular, organizativo ou didáctico que se presenten ou reúnan os requisitos para ser entendidas como innovacións educativas, posibilitando a transformación da realidade educativa".
- Para o artigo 2 propón introducir un novo apartado antes do f co seguinte texto: "Establecer canles de colaboración coa Universidade e/ou outras entidades que traballen no ámbito da innovación educativa".
- Para o artigo 2 propón introducir dous novos apartados antes do f co seguinte texto:
"Deseño de propostas de innovación e dixitalización orientadas á redución no ensino da fenda dixital no ámbito rural"
"Elaboración de estratexias para a consolidación da lingua galega como lingua de interacción en proxectos dixitais no eido educativo"
- Para o artigo 3.3 recomenda que se definan as áreas obxecto de cobertura neste centro.
- Para o artigo 4.2 propón a substitución do texto polo seguinte: "A dirección será provista polo procedemento de concurso de méritos entre o persoal funcionario de carreira pertencente a algúns dos corpos docentes que imparten as ensinanzas establecidas na Lei Orgánica 2/2006, do 3 de maio, de Educación, con destino na Comunidade Autónoma de Galicia".
- Propón engadir a continuación do artigo 4 un novo artigo que recolla as posibles causas do cesamento da dirección. E noutro a obrigatoriedade de participación da dirección nunha acción de formación inicial así como da formación continua.
- Para o artigo 6 recomenda que se definan e especifiquen no propio Decreto cales serán os Departamentos nos que se encadran as áreas de asesoramento.
- Para o artigo 6 recomenda engadir como un órgano reitor, similar ao do Centro de Innovación de FP, que conte coa presenza, entre outros, de representación das Universidades.
- Para o artigo 6.2 propón a substitución do texto polo seguinte: "En cada departamento que se constitúa haberá unha persoa que exerza a xefatura de departamento, que será nomeada, por un período de dous anos, pola dirección do Centro de Innovación Educativa e Dixital, oídos os membros do departamento".
- Para o artigo 7.1, liña 188, propón a substitución do texto polo seguinte: "...maio, de Educación, con destino na Comunidade Autónoma de Galicia, ...".

Santiago de Compostela, 21 de xuño de 2021

O secretario


Xosé María López Carretero



Visto e prace
O vicepresidente

Fernando del Pozo Andrés